



Broj: 08-04-11.2-2-482/26

Datum: 03.04.2026. godine

Na osnovu člana 64. stav (1) tačka b), člana 70, stav (1), (3) i (6) i člana 89. Zakona o javnim nabavkama („Službeni glasnik BiH“ broj 39/14, 59/22 i 50/24); a na prijedlog Komisije za javne nabavke utvrđen u Zapisniku o pregledu i ocjeni ponuda broj: 08-04-11.2-2-482/26 od 30.03.2026. godine, u postupku javne nabavke rezervnih dijelova za vozila, ministar donosi:

ODLUKU o izboru najpovoljnijeg ponuđača

Član 1.

Prihvata se prijedlog Komisije za javne nabavke broj: 08-04-11.2-2-482/26 od 30.03.2026. godine i dodjeljuje se ugovor ponuđaču „Mirado“ d.o.o. Tuzla, Stupine B11, 75000 Tuzla u postupku javne nabavke rezervnih dijelova za vozila, objavljenog na Portalu javnih nabavki broj 1111-7-1-18-3-18/26 od 12.03.2026. godine.

Član 2.

Ova Odluka objavit će se na web stranici MUP-a TK-a, u skladu sa članom 70. stav (6) Zakona o javnim nabavkama BiH.

OBRAZLOŽENJE

Odlukom o pokretanju postupka javne nabavke broj: 08-04-11.2-2-482/26 od 09.03.2026. godine, MUP TK-a je pokrenulo postupak konkurentskog zahtjeva za dostavu ponuda za nabavku rezervnih dijelova za vozila. Na Portalu javnih nabavki objavljeno je Obavještenje o javnoj nabavci broj: 1111-7-1-18-3-18/26 od 12.03.2026. godine.

Do krajnjeg roka za prijem ponuda koji je bio 24.03.2026. godine do 11:00 sati, zaprimljene su ponude sljedećih ponuđača: „Mirado“ d.o.o. Tuzla, „Feromoto“ d.o.o. Tuzla, „Total Trade“ d.o.o. Doboj i „Autoelektra“ d.o.o. Sarajevo.

Na osnovu Zapisnika komisije o pregledu i ocjeni ponuda broj: 08-04-11.2-2-482/26 od 30.03.2026. godine izvršena je analiza ponuda pri čemu je utvrđeno da su ponude ponuđača: „Mirado“ d.o.o. Tuzla, „Feromoto“ d.o.o. Tuzla, „Total Trade“ d.o.o. Doboj i „Autoelektra“ d.o.o. Sarajevo, prihvatljive za ugovorni organ.

Obzirom da je provođenje e-aukcije bilo predviđeno tenderskom dokumentacijom, Komisija za javne nabavke je izvršila rangiranje prihvatljivih ponuda prema kriteriju za izbor ponuda u početnoj ocjeni ponuda, te je zakazala početak e-aukcije u sistemu e-nabavke za dan 01.04.2026. godine u 13:00 sati, u trajanju od 10 minuta.

Po zaprimljenom Izvještaju o toku i završetku e-aukcije završene 01.04.2026. godine, Komisija je nastavila sa radom 03.04.2026. godine u 08:00 sati, te je nakon održane e-aukcije, primjenom kriterija najniže cijene iz dostavljenog Izvještaja o toku i završetku e-aukcije sačinila konačnu rang listu ponuđača koji su učestvovali u e-aukciji.

Red.broj	Naziv ponuđača	Konačna cijena u KM bez PDV-a	Rang
1.	„Mirado” d.o.o. Tuzla	12.999,00	1
2.	„Feromoto” d.o.o. Tuzla	13.000,00	2
3.	„Total Trade” d.o.o. Doboj	14.350,00	3
4.	„Autoelektra” d.o.o. Sarajevo	21.117,51	4

Primjenom kriterija najniže cijene za dodjelu ugovora, nakon održane e-aukcije i ocjene ponuda, Komisija predlaže ministru MUP-a TK-a da donese Odluku o izboru najpovoljnijeg ponuđača, te ugovor za javnu nabavku rezervnih dijelova za vozila dodijeli ponuđaču „Mirado” d.o.o. Tuzla, Stupine B11, 75000 Tuzla, s obzirom da je isti dostavio prihvatljivu ponudu s najnižom cijenom u iznosu od 12.999,00 KM bez PDV-a, odnosno 15.208,83 KM sa obračunatim PDV-om.

Pouka o pravnom lijeku:

Protiv ove Odluke može se izjaviti žalba u roku od 5 dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi. Žalba se podnosi u najmanje 3 primjerka.

Dostaviti:

- ponuđačima
- a/a



MINISTAR

Nedžad Bristrić